



10. februar 2011

Inatsisartut suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppara:

Naalakkersuisunut apeqqut:

Naatsorsueqqissaartarfiup Grønlands Statistik-ip kisitsisit nalunaarutigisartagai akulikinnerusumik nutarterneqarsinnaannginnerlutik, soorlu suliffissaaleqisut pillugit?

(Inatsisartuni Ilaasortaq, Karl Lyberth Siumut)

Tunngavilersuut:

Qeqqata kommuniani qaammatit tamaasa kommuni tamakkerlugu suliffissaaleqisut qanoq amerlatiginersut paasissutissiissutitut nalunaarutigineqararput. Qularnanngitsumik kommunini allani paasissutissiissutit, pingaartumik suliffissaaleqisut amerlassusiinut tunngasut, aamma akulikitsumik nalunaarutigineqartarsimassapput.

Taamaattumik periarfissaasorinarpoq Grønlands Statistik-ip, kommunit qanimut suleqatigalugit, kisitsisaatitik assigiinngitsut akulikinnerusumik, soorlu qaammatit pingasukkaarlugit, nutartertarnissaannut.